

Xujun xi kits'inkjihí nda postru Pablo Tito

B'í ts'ín kikjaniñaha Pablo Tito

1 An Pablo, an nda musu s'ihin Nt'ianá ko nda postruhú^a Jesucristo. Xi nkú ts'ín s'ejihín xutá xi j'ájin Nt'ianá ko kamankjihín ni xi naxu t'ín, kui xi xána, kui nga kui xutáha xi skuenkjühun Nt'ianá. ²Tíchuyáá nga ku'intsuba t'ík'un síaán. Kui niu xi kitsúya títjun Nt'ianá kintehe ni nga kin'enda asuntee, ko yaá nga najmi maha b'anachá. ³Nd'ái ni ma, nk'ie nga ja tsichu chubá, ajihín én xi kik'áina nga k'uenijmía y'éjña chji Nt'ianá ni xi kitsú. Nt'ianá xi maha ts'ínk'ankiná kitsjána kui xóo.

⁴Tífaniñaha Tito, ji nt'íná at'ahá nkuhú xi s'ejinná. Kas'ehi kjuanda ko kjuajyu xi tsjáná Nt'ia Na'miná ko Jesucristo xi ts'ínk'ankiná.

B'í ts'ín kitsúyaha Pablo Tito xá xi ts'ín

⁵Kits'ínk'íejñaha xjo Creta tu xi k'uéndahani ni xi kindyjat'a sa yo ko tu xi k'uqí xáha rí jácháha xutá nínku xi t'ín xkí nanki xi t'ín yo. Kixinya chich'ihin ni xi n'ei. ⁶Kama s'et'a xá xi najmi t'ín ni xi chubayanéhe ra, xi nkuhú maha chjuúhun, xi t'íhín ntí xi s'ejihín Nt'ianá ko naxu incha ts'ín nt'íhi ko nt'één.

⁷At'ahá nku nda xi kuasehe nínku, kui xi t'íñaha nga kúnnta ni xi ts'e Nt'ianá. Kui xáha. Kui nga kas'et'a xáha nku nda xi najmi t'ín ni xi chubayanéhe ra, xi najmi ngak'un, xi najmi stinta, xi najmi b'atíhi nga 'bi binu, xi najmi k'jánko xutá ko najmi mjehe toon xi ch'on ts'ín sakú. ⁸Nda xi ts'ínk'jái ni níhi xutá ni'yahá machjén, xi tsjoho ts'ín ni xi nda, xi nda basehe ni xi ts'ín, xi naxu ts'ín, xi benkjún Nt'ianá, xi maha b'éch'oho yjoho ni xi mjehe animaha. ⁹Ni xi kuakúya t'íhín nga ni xi tsangiya n'ibahá ra, tu xi b'a ts'ín kama tsjáníyá sisihín ra xutá ko kama k'uéjña chjihí já xi t'ífi kontrahá ni xi bakúya.

¹⁰At'ahá t'ín nkjún xi ngji t'axíhín én xi naxu, xi tu a éhén ni xi bakúya ko b'anachahá xutá. Xi incha bakúya nga n'e ni

^a 1:1 “Xi kis'exá” tsuhu ra “nda postru” ko a ra “já postru”.

circumcision, kui xi 'yún b'a incha ts'ín. ¹¹Najmi ta k'uaq̄antehe ra nga b'a incha ts'ín jái, at'aha ni xi najmi tjíhin nga kuakúya tíincha bakúya. B'a tíincha ts'ín tu xi títs'ín ngana ndaha toon. Ja nkjin xuta ts'ínndyajihín.

¹²Santaha nku nda profeta xi ts'e jóo b'a kitsú: “Xuta Creta én tsank'á nchja tehente. Ch'onk'un jóo xi nkúhu chu ch'onk'un, xuta ts'e xi najmi tsehe.” ¹³Kjuaxi kjáihín ni xi kitsú ndo. Kui nga ndjá chubakohoni jóo tu xi incha skūe sisihín ni xi s'ejinná ¹⁴ko tu xi najmi ngjuénñjuhu ra én tiyaha xuta judio ko ta ndaha ni xi b'éné'yúhún já xi ngji t'axíhín ni xi naxu tjin.

¹⁵Je ngayjee ni xi tjin ko ma n'echjén tsa je tjíntuyá animaha xuta, tunga najmi tjíhín ni xi je ngat'a ts'e xuta xi chuntí tjíntuyáha ko xi najmi s'ejihín Ntíaná. At'aha ngasten ts'ínnkjink'un ko ja tsatsun kjuankjintak'uhún. ¹⁶Kui xi tsu nga be Ntíaná tunga ni xi incha ts'íhín bakúchji nga najmi be. Kui xi ch'onk'un, najmi nt'élén, ko najmi maha ts'ín ni xi nda.

B'i ts'ín kitsúyaha Pablo Tito xi nkú ts'ín tjíhin nga kuakúyaha xuta nínku

2 Tunga máha ji, takúyai ni xi y'aha ra ni xi nda ts'ínkoná xi tsinchiyái. ²B'a t'ihín já xi ja chá nga kixi incha katjiko yjoho, incha katenkjún yjoho, nda incha katasehe ni xi incha ts'ín, nda incha katumankjihín ni xi s'ejinná, ko incha kas'ehe kjuatjo ko kjuatsenta.

³Ko jminchjín xi ja chá b'a ta ts'ín incha katenkjún Ntíaná, najmi tu én tsank'á incha k'uasjené xuta ko najmi tu 'yún incha k'uí binu. Incha katakúya ni xi nda ⁴ko incha katsjániyáha jminchjín xi kjintí sa nga ts'íintjo x'íhín ko ntíhi, ⁵ko nga nda incha katasehe ni xi incha ts'ín, nga je kas'entuyá animaha, nga incha kuasehe ni'yaha ko nda incha s'entuyáha, ko nga incha skūenkjún x'íhín. B'a ts'ín chankjúhun éhen Ntíaná.

⁶Ko já istiu b'a ta t'ihín nga nda incha katasehe ni xi incha ts'ín. ⁷Ngatentee ni xi n'ei, nda n'ei tu xi b'a ta incha ts'íhín. Nga kuakúyai, katuma chji nga kixi tjíyahi ko nga tíyankjúin yjohi. ⁸Én nda katitju tsu'bai, én xi najmi tjin xi nkú ts'ín n'enijéhe ri. Kui niu xi ts'ín nga kama subaha ra já kontra, at'aha najmi sakúhu nkú ts'ín ch'on ts'ín kuinchjayanehená.

⁹Ko b'a t'ihín já musu xi kich'atse nga tehente katenkjún já ntiaha ko kats'ín ni xi sasíhín jóo. Najmi tjíhin tsa kuinchja tsa'ako jóo ¹⁰ko tsa ndyjé ts'íhín. Tu sa ní incha katakúchji nga ma ma 'yún k'aán jóo, tu xi ngayjee ni xi ts'íhín chankjúhun én xi b'éjña chjiná Ntíaná xi ts'ínk'ankiná.

¹¹Ntíaná ja y'éjña chjihi ngatentehe xuta kjuandaha, kui xi ts'ínk'ankiná ¹²ko bakúyaná nga k'úéch'oohó yjoná ni xi najmi je

nginkun Ntĩaná kō ni xi nchjaha animaná ei asunnteĩ, nga nda chasehé ni xi n'eé kō nga naxu n'eé kō nga chankjáán Ntĩaná nk'ie nga tintsuba saá ei asunnteĩ. ¹³Chúya saha raá ma ni nda xi tichuyáá, kui niu xi nĩstjin nga chaá kjuachánkaha Jesucristo, kui xi Ntĩaná xi chánka kō xi ts'ínk'ankiná. ¹⁴Kui xi kitsjá yjohō nga kin'ek'ien ngandaná tũ xi k'uasjejihinná ngayjee ni xi najmi ndoo kō ts'ín je nku naxinantá xi kui ts'e, xi ngayjehe k'un mjehe ts'ín ni xi nda.

¹⁵Kui niĩ xi takúyai. Tjenniyáhi xuta kō n'ek'a niyái. Najmi tũ jo jan katumahi nga b'a n'ei. Najmi tũ ch'a xi tũ tohón katumaha ji.

B'i ts'ín tsakúya Pablo xi nkú ts'ín tjĩhin nga incha ts'ín xuta nĩnku

3 N'ek'játsjeihin xuta nĩnku nga katenkjún já tĩtjuun kō já tjíxoo. Incha kant'é'éhen kō incha kat'entu nda nga incha ts'ín ngayje tĩkjá ni xi nda. ²Ndaha nku xuta najmi tũ ch'on ts'ín incha kuĩnchjane kō najmi tũ ch'a xi kjaánko. Nda ní ts'ín incha kas'eyaha. Kō kate xuta nga nĩmakjua incha tjĩntuyáha.

³At'aha nĩstjin nk'ie tã tũ xĩ sináá. Najmi kinu'yá'één, ngakjá kin'enkjĩntak'aán, kō nkjin tĩkjá ni xi nchjaha animaná tjí'yúhun ñá kō ni xi mjehe yjonintená. Kjuakjan ya kō kjuaxintak'un tintsubajján. Kits'ín unkiená xuta kō b'i ngján kin'e unchaá xinkjá. ⁴Tunga nk'iehé nga kis'ejña chji kjuandaha Ntĩaná xi ts'ínk'ankiná kō kjuatjo xi tjĩhin, ⁵kits'ínk'ankiná. Najmi ngat'aha tsa nda tjín ni xi kin'eé, tsa kui kjuaha nga b'a kits'ĩhin. B'a ní kits'ín at'aha kama nĩmaha ñá. Kits'ín jená nk'ie nga kits'ín tsin tsetse ngáhaná kō Espirituhu kits'ín tsetsená.

⁶Tũ ngat'aha ni xi kits'ín Jesucristo xi ts'ínk'ankiná, najmi kits'ínxkín Ntĩaná nga kitsjáná Espirituhu. ⁷Kō tũ ngat'aha kjuandaha Ntĩaná kits'ín nga naxu tsichu maá nginkun. B'a kits'ín tũ xi n'ekjáhihĩn raá ni xi tichuyáhaá, kui xi tsuhu rã nga kuĩntsuba tĩk'un síaán.

⁸Ma n'e s'ejin én xu'bĩ kō mjena nga takuyái sisin niĩ, tũ xi xuta xi s'ejihin rã Ntĩaná ts'ínkjas'ehen rã yjohō nga ts'íhihĩn ni xi nda. Tũ xĩ ndahá tjín kō basinkoná nga b'a n'eé. ⁹Xi mjehe nku én k'uésintjáhi, tiyú t'axíhin. Najmi tũ n'esihĩn xi b'ésiyáha ntje chá xi y'aha rã kō tã ndaha xi b'ésiyáha kō kjántjaihi kjuatéxuma xi kin'ekjas'ehen Moise. At'aha najmi basinkoná kui kjuastiu kō najmi tjĩhin sin.

¹⁰Xi kuakjánya xuta nĩnku, chubakoi tsa nku kō tsa jo niyá tjĩhin. Tunga tsa najmi ts'ĩnsihĩn, najmi tã k'uaĩntehe rã aya nĩnku. ¹¹Yai nga xi b'a tĩts'ĩun, kui xi ja kits'ínkatsún suba yjohō kō niyáha ngatitsuun tsú'baya. Tã kuihi tífiko yjohō xi má nga ndyja.

B'i ts'ín kitsúyaha Pablo ni xi mjehe nga ts'ín Tito

¹²Nk'ie nga ts'ínkjisehe nda Artema kō a rã nda Tikiko, n'e kitsa xáhi yjohi nga nibáasenĩ nanki Nikopoli. At'aha ja tjĩndana nga yo

ts'inkj'a nistjin chunch'oon. ¹³Nda tisinkoi nda Zena, nda xi nchjantjai xuta, ko nda Apolo, tu xi ts'inndjuuhu niyaha ko tu xi najmi chumi nihi xi ndyjat'aha ra. ¹⁴Katangiya xuta ts'ana nga ts'in ni xi nda ko nga tsjaha xuta ni xi machjehen. B'a ts'in incha saajihin ni xi ts'e Ntiana.

B'i ts'in kits'inkje Pablo xujun

¹⁵Tits'inkjihi kjuasuniña ngayjee xuta xi tjintukona ei. Tjeihin kjuasuniña xuta xi tjoho na at'aha nkuhu xi s'ejinna.

Ngatento kas'enuu kjuandaha Ntiana.